

NATIONAL UNIVERSITY OF LESOTHO
FACULTY OF HUMANITIES
DEPARTMENT OF AFRICAN LANGUAGES AND LITERATURE

ALT 204- LITERARY GENRES

MABOTSELA A BA. LE B.Ed

Limaraka:75

Nako: Lihora tse peli

MOTŠEANONG 2010

LITEMOSO:

- Se arabe potso efe kapa eke efe pele u bala litemoso tsena esita le tse tlang pele ho potso eo u e arabang.
- Araba lipotso tse tharo (3) feela tsa khetho ea hau.
- Litaba tse sebelisitsoeng ho araba potso e itseng, li se phetoe ho araba e ‘ngoe hape.
- Lintlha li tšehetsoe le ho hlakisoa ka mehlala.
- Likarabo li nomoroe ho latela lipotso tsa tsona leha u ka qala ka potso eo u e ratang; moo potso e nang le likaroloana, li se lobokanngoe kaha tse sa nomoroang le tse lobokantsoeng li ke ke tsa talingoa.

POTSO EA PELE

O mong oa mesebetsi e meholo ea lingoloa ke ho ba seipone seo ka sona batho ba ka ichebang le ho bona kamoo batho ba leng kateng le kamoo bophelo bo leng kateng.

Ka mehlala ho tsoa lingoloeng, bontša linnete / litaba tse hlano (5) tse etsahalang bophelong, tseo lingoli tsa lingoloa tseo li li senolang. **KAPA** mehlala e mehlano ho supa ho hloleha ha lingoli ho fetola lingoloa tsa tsona seipone sa bophelo. [25]

POTSO EA BOBELI

Molahluoa – N Tšasanyane-Ralengau (2002)

- a) Har'a tse ling tseo Ralengau a li behelang babali bukeng ena, ke litumelo tse fapaneng tse joaloka;
 - i) Bojakane / Bokeresete
 - ii) Balimo
 - iii) Litlhare / mere / methokhoLitumelong tse kaholimo, bontša kamoo Ralengau a hlahisang tumelo e joalo kateng litabeng tsa buka ena ea *Molahluoa* (2002). (15)
 - b) Ho ea ka uena na boloi bo teng? Fana ka mabaka a mabeli (2) ho tšehetsa karabo ea hau. (10)
- [25]

POTSO EA BORARO

U ka re'ng e bang u lokela ho kholisa motho e mong ea e s'ong ho bale buka ea *Mopheme* hore ehlile lebitso-lebe ke seromo ha ho talingoa bophelo ba mophetoa oa sehlooho - Mopheme? Araba ka lintlha tse hlano (5) u ipapisitse le litaba tsa buka. [25]

POTSO EA BONE

Lehlohonolo ha se lebelo – M.B.M. Sehlare

Fana ka lintlha tse hlano (5) u totobatsa ho tšoana **KAPA** ho se tšoane, lipaleng tsena: 'Lehlohonolo ha se Lebelo' le 'Malimabe' [25]

POTSO EA BOHLANO

Mabinabine – K.C. Maimane (2005)

Bala thothokiso ena u nt'o araba lipotso tse e latelang.

Ha u le ntate...

- | | |
|--|---|
| <p>1. Ha u le ntate,
U tsoile bosele ho leleka tlala,
U khutla le seshoai u se fupere,
Joale u jela nonyana naheng
Na u ntate oa sebele?</p> <p>2. Ha u le ntate,
U lutse sa maratsoana sa puso,
U phela u lula manobo-nobong,
Sechaba u se sotla u se palama,
Na u ntate oa sebele?</p> <p>3. Ha u le mokhethoa,
Sechaba se u khetha se u romela,
Paramenteng u pepile mathata,
U ja poqo u lebetse baromi,
Na u ntate oa sebele?</p> | <p>4. Ha u le ntate,
Makhabunyane a u file 'Mopi,
U khola chakatsa ho morali oa hau,
Molomo u mo koala a se bolele,
Na u ntate oa sebele?</p> <p>5. Ha u le ntate,
Borena u bo filoe u le hoatiti,
Ofisiri u le matoetoe phamolalahali,
Batho u ba raha u ba rohaka,
Na u ntate oa sebele?</p> <p>6. Ha u le ntate,
Lerato u le filoe ke ngoan'a motho,
Le mofuthu u o tseba oa hae,
U khutla u li koenehela litaba
Na u ntate oa sebele?</p> |
|--|---|
- a) Hlalosa lipoleloana tsena u ipapisitse le tšebeliso ea tsona thothokisong e kaholimo:
- | | | | |
|------|------------------------|-----|------|
| i) | ho tsoa bosele | (2) | |
| ii) | ho jela nonyana naheng | (2) | |
| iii) | ho khola chakatsa | (2) | |
| iv) | ho ja poqo-ka-hlanaka | (2) | |
| v) | ho koala molomo | (2) | (10) |
- b) Khetha liratsoana tse tharo (3) thothokisong e kaholimo, 'me ka mehlala ea tseo u ithutileng tsona bophelong, u arabe potso eo sethothokisi se e botsang qetellong ea seratsoana ka seng ho tseo u li khethileng.
- (15)

[25]